

Det blir vist til vedtak i kommunestyre 20.04.23, rådmannen sitt budsjett for 2024 og Budsjett og økonomiplan 2022 – 2025: [radmannen-sitt-framlegg-til-budsjett-og-okonomiplan-2022-2025.pdf](https://samnanger.kommune.no/radmannen-sitt-framlegg-til-budsjett-og-okonomiplan-2022-2025.pdf) (samnanger.kommune.no)

Vedtak i kommunestyre 20.04.2023:

Kommunestyret ber rådmannen om å gjennomføre ein utgreiingsprosess kor samanslåing av dei to kommunale barnehagane skal vurderast.

Samandrag:

- Utdanningsforbundet og fagforbundet er i møte med kommunalsjef oppvekst orientert om oppstart av utgreiingsprosess og vil gjennomføre felles medlemsmøte for innspel.
- Styrarane har hausten – 23 oppdatert sine tidlegare innspel til utgreiingsprosessen, og innspela er inkludert i notatet.
- Det er invitert til felles SU-møte for begge barnehagane tysdag 7.11.23. Kommunalsjef oppvekst deltek. Nye politiske representantar i SU er ikkje avklart pr. i dag.
- Som resten av landet opplever Samnanger kommune å bli utfordra ved rekruttering av kvalifisert personale og opplever mangel på vikarar i både barnehage og skule. Med utgangspunkt i dette er det både naturleg og nødvendig å sjå etter løysingar i noverande barnehagestruktur.
- Samlokalisering av våre to kommunale barnehagar vil gje større fleksibilitet med tanke på bemanning og bruk av kompetanseressursar.
- Som resten av landet opplever Samnanger kommune ei nedgang og utflating i tal fødsjar og fleire andre kommunar har innretta seg i takt med denne trenden, mellom anna ved strukturendring på barnehageområdet.
- For barn med heiltidsplass i barnehage syner tal frå Statistisk sentralbyrå at tal eit-åringar i barnehage er den aldersgruppa som aukar mest [Flere ett-åringar i barnehage \(ssb.no\)](https://ssb.no/flere-ett-aringer-i-barnehage) Denne aldersgruppa har eit særleg behov for både tilstrekkeleg og kvalifisert bemanning
- Tal frå SSB (tabell s. 6) syner at mellom 10 og 15 barn i Samnanger kommune vil tilhøyre aldersgruppa 0 – 6 år i perioden 2023 – 2053.
- Samnanger kommune har ei dekningsgrad på tilgjengelege barnehageplassar på 100 %. Dette betyr at vi kan gje tilbod om barnehageplass til alle med rett til barnehageplass, og til alle andre som ynskjer barnehageplass, gjennom året.
Tilstrekkeleg bemanning i barnehagane er avgjerande om vi skal oppretthalde dette tilbodet.
- Vassloppa barnehage har tilgjengeleg areal og dagens barnetal (35) utløyser eit arealbehov tilsvarande 170 m². Pr. i dag har barnehagen eit restareal på 583 m² som står ubrukt.
- Om ein vel å samlokalisere barnehagedrifta i Samnanger så vil denne strukturendringa bidra til at oppvekstområdet kan realisere eit nedtrekk på 1,25 mill kroner, eit nedtrekk som er

foreslått for heile oppvekstsektoren.

- Vi treng å sikre oss tilstrekkeleg med handlingsrom til å drive kvalitative gode einingar og samtidig sikre tilstrekkeleg vedlikehald av tilgjengeleg byggmasse. Vi har varierende grad av etterslep på vedlikehald av bygg og på uteområdet i både barnehage og skule, og fleire av einingane manglar universell utforming til å ta imot ulike barn og tilsette. Dette kan opplevast diskriminerande og bidreg til utanforskap for barn, tilsette og føresette med særlege behov.
- Det skal vere trafiksikker adkomst i Vassloppa barnehage for barn som vert levert til fots, med sykkel og med bil. Hente - og bringesone av barn skal skje på tydeleg merka område.
- Ved ei eventuell samanslåing vil ein etablere styringsgruppe, prosjektgruppe og referansegruppe, og legge til rett for dialog med involverte partar gjennom heile prosessen.
- Gjennom dialog og samarbeid med tilsette, tillitsvalde, verneombod og foreldre-representantar vil ein bidra til å sikre ein opplevd god prosess som forhindrar uro, usikkerheit. Endring kan skape uro og vi må aktivt bidra til føreseielege rammer som tryggande faktor i prosessen.
- Om ein ikkje skal bruke tilgjengeleg areal på barnehagedrift, så er 550 m² i Vassloppa barnehage tilgjengeleg til andre føremål.

Tilråding:

Rådmannen tilrår at Vassloppa barnehage og Dråpeslottet barnehage vert samlokalisert i Vassloppa barnehage frå 01.08.24.

Barnehagestruktur i Samnanger kommune

Barnehagane er regulert av Lov om barnehagar (barnehagelova) med forskrifter [Lov om barnehager \(barnehageloven\) - Lovdata](#) og [Forskrift om helse og miljø i barnehager, skoler og skolefritidsordninger - Lovdata](#)

Kommunen har rolla som lokal barnehagemynde, og har ansvar for godkjenning av og tilsyn med barnehagane i kommunen, både private og kommunale. Barnehagemynde har tre verkemidlar ved oppfølging av barnehagane: rettleiing, tilsyn og godkjenning.

Samnanger kommune har to kommunale barnehagar i tillegg til ein privat gards- og friluftsbarnhage. Tal barn i barnehage haust 2023 er 114 barn mot 138 barn same tid i fjor. I august 2022 vart det stengt ned ei avdeling i Vassloppa som ei konsekvens av dette, og denne avdelinga er heller ikkje tatt i bruk hausten 2023.

Tal barn i barnehagealder varierer frå år til år, men det er varsla nedgang i tal fødselar. Oversikt over tal barn i barnehagealder er lagt fram på side 6.

Alle som ynskjer barnehageplass i Samnanger kommune får pr. i dag plass, og barnehagane justerer bemanninga ved auke i barnetal.

Godkjenning av barnehagar

I Kunnskapsdepartementets merknader til barnehagelova er det fastsett rettleiande norm for inne- og uteareal:

- Inne: 4m2 netto leke- og opphaldsareal for barn over 3 år og om lag 1/3 meir per barn under 3 år.
- Ute: Omlag 6 gonger leke - og opphaldsareal inne.

Tilgjengeleg leike- og opphaldsareal (LOA) og tilstrekkeleg bemanning set rammer for opptak av barn saman med barnehagen sine vedtekter og barnehagen si godkjenning. Kommunen som barnehage-mynde skal sikre at barnehagane er godkjent med heimel i lov og tilhøyrande forskrifter § 14 [Lov om barnehager \(barnehageloven\) - Lovdata](#)

Samnanger kommune er barnehageeigar for dei kommunale barnehagane og kommunestyre vedtar [Vedtekter for kommunale barnehagar \(samnanger.kommune.no\)](#)

Vassloppa barnehage LOA 753 m2	Kapasitet til 188 barn over 3 år. Godkjenning datert 18.09.12
Dråpeslottet barnehage LOA 405,6 m2	Kapasitet til 20 barn under 3 år og 40 barn over 3 år Godkjenning datert 10.05.09

Kommunen skal, med heimel i Lov om barnehage §§ 16 og 18, legge til rette for ein samordna opptaksprosess og innfri rett til barnehageplass [Lov om barnehager \(barnehageloven\) - Lovdata](#)

Samnanger kommune kan etter søknad og tilgjengeleg kapasitet i barnehagane gje tilbod om barnehageplass i tre barnehagar:

Barnehage	Barn pr. okt:	Tal tilsette	Disp.*	LOA	Opningstid
Dråpeslottet (K)	53	14	Ja	405,6 m2	07.00 - 16.30
Vassloppa (K)	35	10	Ja	753 m2	07.00 - 16.30
Gardsbarnehagen (P)	26	7	Nei	174 m2	07.00 - 16.30

(Disp*: Ved mangel på kvalifisert personale må barnehagane søke om dispensasjon frå utdanningskravet [Forskrift om pedagogisk bemanning og dispensasjon i barnehager - Lovdata](#))

Tilgjengeleg kapasitet pr. oktober -23 og framtidig auke i barnetal

- Aadland gards- og friluftsbarnhage: Ingen ledig kapasitet pr. oktober -23.
- Dråpeslottet barnehage: Ingen ledig kapasitet pr. oktober - 23.
- Vassloppa barnehage: Ledig kapasitet pr. oktober -23.
 - Dagens barnetal utløyser eit arealbehov tilsvarande 170 m2.
 - Pr. oktober har barnehagen eit tilgjengeleg restareal på 583 m2.

Med tanke på tilgjengeleg kapasitet i Vassloppa barnehage vil ein i eit lengre tidsperspektiv kunne ta i mot kull på 40 barn i lang tid framover.

Om ein ikkje skal bruke tilgjengeleg areal på barnehagedrift, så er 550 m2 i Vassloppa barnehage tilgjengeleg til andre føremål.

Status utgreiingsprosess så langt

Haust -23	Innspel frå styrar i Vassloppa og Dråpeslottet <u>Eksempel på positive konsekvensar:</u> • Breiare og større fagmiljø • Betre utnytting av ressursar • Lettare å få til meir tverrfagleg samarbeid • Større eining med fleire tilsette gjer det mogeleg å avvikle avdelingsmøter og andre samhandlingsmøter i barnehagen si opningstid. • Samanslåing vil gje høve til å bruke midlar på spesialpedagogisk ressurs i barnehagen som vil komme alle barn til gode • Nærleik til bibliotek • Legge til rette for utegruppe og uteavdelingar • Legge til rette for samarbeid med Skottabakken og bidra til inkludering • Utvida mulighet for meir samarbeid med gardsbarnehagen <u>Eksempel på moglege utfordringar:</u> • Tilkomst og parkering • Universell utforming • Brøyting og utbetring av vegen • Behov for oppgradering av uteområdet • Behov for fleire utvendige soveplassar • Behov for fleire gardarobeplassar • Bad, vaskerom og kjøkkenfasilitetar • Lengre avstand til barneskulen • Reduksjon i tal barnehagar reduserer føresette sine valmoglegheiter
18.10.23:	Kommunalsjef hadde møte med tillitsvalt i utdanningsforbundet og informerte om utgreiingsprosess for å sikre at tilsette i barnehagane vert inkludert så tidleg som mogeleg. • Tilbakemelding frå medlemmar vil bli inkludert så snart det er framlagt.
19.10.23:	Kommunalsjef hadde møte med tillitsvalt i fagforbundet og informerte om utgreiingsprosess for å sikre at tilsette i barnehagane vert inkludert så tidleg som mogeleg • Tilbakemelding frå medlemmar vil bli inkludert så snart det er framlagt
07.11.23:	Orienteringsmøte i Vassloppa barnehage med SU-representantar frå både Dråpeslottet barnehage og Vassloppa barnehage. SU vil bli oppmoda til å kalle inn til foreldrerådsmøte for alle føresette i barnehagane. Vi ventar på å få avklart kven som skal vere politiske representantar i SU.
07.11.23:	Befaring i Vassloppa barnehage; kommuneoverlege (godkjenningssmynde), kommunalsjef samfunnsutvikling, rådgjevar oppvekst og kommunalsjef oppvekst. Det er sett av 3 timar til: • Samtale med styrar

	• Status barnehagen sitt innvendige leike- og opphaldsareal • Befaring av uteområdet • Status kontroll av utvendige leikeapparat • Gjennomgang av tilgjengeleg areal rundt barnehage for eventuell framtidig utviding
16.11.23:	Befaring i Dråpeslottet barnehage 16.11.23 - kommuneoverlege (godkjenningsmynde), kommunalsjef samfunnsutvikling, rådgjevar oppvekst og kommunalsjef oppvekst. Det er sett av 3 timar til: • Samtale med styrar • Status barnehagen sitt innvendige leike- og opphaldsareal • Befaring av uteområdet • Status kontroll av utvendige leikeapparat • Gjennomgang av tilgjengeleg areal rundt barnehagen for eventuell framtidig utviding • Eventuelle mulighetsrom for å bygge ut Dråpeslottet barnehage

Rammer for barnehagedrift i Samnanger kommune

Alle som søker barnehageplass i Samnanger kommune får pr. i dag tilbod om barnehageplass, når dei ynskjer barnehageplass. Det er barnehagen sine vedtekter som gjer heimel for tildeling av barnehageplass.

I [Lov om barnehager \(barnehageloven\) - Lovdata](#) §§16 og 18, er kommunen sine pliktar og rettar vedrørende rett til barnehageplass, opptaksprosess og prioritet ved opptak skissert. Kommunane er pålagt å ha eit hovudopptak i året. Alle med rett til barnehageplass, som har søkt om plass innan frist, 1. mars, skal få tilbod om barnehageplass i kommunen der dei er busett.

I Samnanger kommune er det politisk vedtatt at barnehagar med ledig kapasitet (areal) skal gje tilbod om barnehageplass i supplerande opptak gjennom året. Dette er eit godt tilbod til innbyggjarane, men medfører at barnehagane må auke bemanninga gjennom året, noko som medfører auka kostnader knytt til lønn.

Dette skil seg frå korleis barnehageopptak vert gjort i fleire av nabokommunane våre. For å sikre føreseieleg økonomistyring og føreseieleg drift i barnehagar i nabokommunar, vert det lagt opp til å følge krav i barnehagelova som krev eit hovudopptak pr. år som sikrar plass til alle med rett til barnehageplass. Det vert lagt til rette for supplerande opptak dersom bemanning, tilgjengeleg areal og økonomi gjer rammer for opptak.

Opptakskriteria er skissert i barnehagane sine vedtekter og det er kommunestyre som vedtar innhald i dei kommunale barnehagane sine vedtekter [Vedtekter for kommunale barnehagar \(samnanger.kommune.no\)](#)

Barnetalsutvikling i Samnanger kommune

Tal frå utdanningsdirektoratet 2022, syner at 93,4 prosent av barn i Norge, i alderen 1-5 år gjekk i barnehage. For barn med heiltidsplass i barnehage syner tal frå Statistisk sentralbyrå at tal eit-åringar i barnehage er den aldersgruppa som aukar mest [Flere ett-åringar i barnehage \(ssb.no\)](#) Denne aldersgruppa har eit særleg behov for både tilstrekkeleg og kvalifisert bemanning.

I Samnanger kommune går 98,2 % av barn i alderen 0 – 5 år i barnehage i våre barnehagar. Barnehageåret 2023/2024 betalar vi for fire gjestebarn som går i barnehage i nabokommunar, ca. kr 150 000,- pr. barn.

Utvikling i barnetal i Samnanger kommune:

Fødselsår	Tal barn i barnehagealder
2018	32
2019	15
2020	30
2021	19
2022	20
Totalt:	116


Tal pr. oktober 2023: 21

I Samnanger har vi ei dekningsgrad på 100 %. Dette betyr at vi kan gje tilbod om barnehageplass til alle med rett til barnehageplass, og til alle andre som ynskjer barnehageplass, gjennom året.

Som resten av landet opplever Samnanger kommune ei nedgang i tal fødsler og fleire kommunar har innretta seg i takt med denne trenden. Tal frå utdanningsdirektoratet syner at totalt 268 000 barn gjekk i barnehage ved utgangen av 2021, det er 3 800 færre enn i 2020 [Barn og barnehager \(udir.no\)](https://udir.no)

Siden 2017 har det blitt 13 000 færre barn som går i barnehage i Norge. Nedgangen har samanheng med synkende årskull; dei siste fem åra har det blitt 17 000 færre barn i alderen 1–5 år i befolkningen (Statistisk sentralbyrå 2022a).


Tal frå FHI syner ei generell nedgang i fødselstal i alle regionar, inkludert Helse Vest:



Tal barnehagar i Noreg har blitt redusert dei siste år og sidan 2012 har det blitt 625 færre barnehagar med 1–25 barn. Det betyr at det er dei minste barnehagane som står for nesten heile nedgangen. Utdanningsdirektoratet finn det samme mønsteret for grunnskular: Det har blitt 240 færre skuler siden 2012, og skulene blir i gjennomsnitt større [Barn og barnehager \(udir.no\)](https://udir.no)

Tabell under, ref. SSB, for perioden 2025 – 2050, syner framskrive folkemengd etter kjønn og alder 0 – 6 år, for perioden 2025 – 2055. Tabellen syner at tal innbyggjarar for denne aldersgruppa vil


vere mellom 10 og 15 barn i heile perioden. Med dagens kapasitet på barnehageplassar vil vi kunne ta imot det dobbelte i lang tid framover.



Behov for omstilling og økonomiske konsekvensar

Viser til kommunestyre 19.10.2023 og presentasjon frå Øystein Granheim, Agenda Kaupang, som synleggjer ei nedgang i behov for barnehageplassar i Samnanger kommune:

Samnanger har hatt store endringer i behovet, og det blir store endringer i neste økonomiplanperiode. Behovet for barnehager er i fritt fall, og det er vekst i behovet for pleie og omsorg.



Foilen under viser mill. kr vi får tildelt mindre år for år framover. Vi må tilpasse oss denne utviklinga der pengane vert tekne frå Samnanger kommunen sitt inntektssystemet. Om vi vel å ikkje gjere

tilpassingar på bygg eller i strukturar rundt tenestene, vil vi ha mindre pengar igjen til fag og innhald som kan bidra til å styrke kvalitet på tenestilbodet, førebyggjande og tidleg innsats.

Merutgifter, prognose med tall i millioner

Tjeneste	2018	2019	2020	2021	2022	2023	2024	2025	2026	2027	2028	2029	2030	2035	2040	2045	2050
Barnehage	3	4	3	2	0	-2	-2	-4	-4	-4	-5	-5	-4	-3	-3	-3	-3
Barnevern	0	0	0	0	0	0	0	0	0	0	-1	-1	-1	-1	-1	-1	-1
Grunnskole	-3	-4	-3	-1	0	-1	-1	-2	-3	-4	-5	-6	-6	-12	-12	-10	-9
Helse	0	0	0	0	0	0	0	0	0	0	0	1	1	1	1	2	2
Pleie og omsorg	-5	-6	-3	-3	0	-2	1	2	6	9	10	12	14	34	50	66	71
Sosial	0	0	0	0	0	0	0	0	0	0	0	0	0	0	0	0	0
Sum tjenester	-5	-5	-3	-2	0	-5	-2	-3	-1	1	1	2	4	19	36	53	59

- ▶ Behovet innen pleie og omsorg går opp mens behovet innen oppvekst går ned. Behovet innen oppvekst er mer usikkert etter de neste fire årene.
- ▶ I 2030 er det -11 mill. kroner i redusert behov til oppvekst og +14 mill. kroner i økt behov pleie og omsorgstjenester. Mye av denne veksten vil være til hjemmebaserte tjenester.
- ▶ Samnanger må omstille seg til dette

4 

Om ein vel å samlokalisere barnehagedrifta i Samnanger så vil denne strukturendringa bidra til at oppvekstområdet kan realisere eit nedtrekk på 1,25 mill kroner, eit nedtrekk som er foreslått for heile oppvekstsektoren.

På kort sikt vil det bli spart kostnader ved at det er meir kostnadseffektivt for kommunen å samle dei vel 90 barnehagebarna i dei kommunale barnehagane i ein barnehage.

På lenge sikt vil kostnader knytt til drift, vedlikehald og reinhald bli redusert og i 2026/2027 vil kommunen spare ytterlegare ved at kommunalt tilskot til den private barnehage går ned.

Overslag innsparing kommunalt tilskot

Førebelse anslag tilseier ein reduksjon på om lag 0,3 mill. kr i 2026 dersom samanslåing medfører 1 mill. kr innsparing i kommunal drift. Seinare år, frå 2027, får ein heilårseffekt og truleg større innsparing i drifta.

Tilgang til kompetanse i tida framover

Først og fremst vil samlokalisering av våre to kommunale barnehagar gje tilgang til kompetanseressursar. Vi opplever som resten av landet stor nedgang i tal søkjarar med kvalifisert utdanning til stillingar i barnehagane, og vikarar er mangelvare. Barnehagane strever med å få kabalen til å gå opp og vi er i gang med å utarbeide retningslinjer for konsekvensar av mangel på personale. Å be foreldre om hente tidlegare eller halde barn heime frå barnehagen kan bli ein konsekvens dersom dagens situasjon vedvarar.

Ved å slå saman Vassloppa og Dråpeslottet vil ein mellom anna få utvida tilgang til pedagogar, større fleksibilitet vedr. bemanning, redusere bruk av vikarar og legge til rette for ei meir målretta ressursarbruk knytt til PPT og livsmeistring. Saman med god leiing av barnehagen kan desse faktorane bidra til å sikre særskilt god kvalitet på barnehagetilbodet til det beste for barn.

Ved ei eventuell samlokalisering av barnehagane vert det også lagt til rette for at kompetanse som vil komme alle barnehagebarn og tilsette til gode kan jobbe tettare. Eit godt romprogram i Vassloppa

kan legge til rette for utvikling og vedlikehald av lærande profesjonsfelleskap. Når barnehagen kan invitere andre tenester til samarbeid vil ein kunne jobbe systemisk med innhald, leing og fagleg utvikling som bidrag til å sikre eit barnehagetilbod med opplevd høg kvalitet. Dette vil i større grad enn i dag kunne bidra til tidleg og førebyggjande innsats for barn i alderen 0 – 6 år.

Om ein samlokaliserer dei kommunale barnehagane i Vassloppa barnehage vil ein også kunne utnytte at barnehagane er lokalisert i same område som Aadland gards- og friluftsbarnhage. Dette vil gje rom for at barnehagane kan samhandle om tidleg innsats i enno større grad enn pr. i dag.

Samanslåing av våre to kommunale barnehage vil også gje ein meir berekraftig og føreseieleleg økonomisk situasjon på oppvekstområdet, og bidra til ein meir berekraftig økonomi i kommunen.

Søklarar til stillingar og bemanning i barnehagane

Som resten av landet opplever Samnanger kommune å bli utfordra ved rekruttering av kvalifisert personale og har mangel på vikarar i både barnehage og skule. Vi må vere kreative og løysingsorienterte i tida framover for å sikre tilstrekkeleg med kvalifisert personale i våre einingar, med bemanning nok for å nå lovpålagte krav og forventningar. Med utgangspunkt i dagens situasjon er det både naturleg og nødvendig å sjå etter løysingar i noverande barnehagestruktur.

Det er særskilt krevjande å få kvalifiserte søklarar til pedagogstillingar i både barnehage og skule og særleg krevjande er det i vikariat. Sjølv om tal syner at vi har tradisjon for å innfri bemanningsnorm, så merkar vi mangel på vikarar og få eller ingen søklarar når vi lyser ut stillingar.

Dette er ei varsla og nasjonal utfordring som også vi i Samnanger må forhalde oss til. Ved mangel på kvalifisert personale må barnehagane søke om dispensasjon frå utdanningskravet og tal dispensasjonar er forventa å auke i tida framover.

Mangel på vikarar gjer det krevjande å ta ut plantid, ferie og avspasering. Sjølv om barnehagane samarbeider godt og er i jamn dialog vedrørarane rekruttering og bruk av vikarar, kjenner vi på frykta for ikkje å ha nok bemanning til forsvarleg og god nok drift i våre einingar. Det er også kostnadsdrivande for oppvekstområdet å måtte utbetale ferie og avspasering.

Som tiltak for å prøve å betre situasjonen er vi i dialog med Høgskulen på Vestlandet for å undersøke om barnehagelærararstudentar har kapasitet til å jobbe deltid i våre barnehagar. Vi er også i dialog med Kvam vidaregåande skule vedrørande lærlingar i barne- og ungdomsarbeidarfaget.

Samanslåing og påverka trivsel (ref. sak 22/912)

Barnehagar med god kvalitet kan ha ein positiv påverknad på barn sin språklege og sosiale utvikling og bidra til å danne eit godt grunnlag for skulestart og vidare utvikling. God kvalitet i barnehagen ser også ut til å førebyggje utvikling av språk- og åtferdsvanskar over tid, særleg hos sårbare barn([Barnehage - Helsedirektoratet](#)).

Vi har per i dag forsvarleg drift i både Vassloppa og Dråpeslottet, men erfaringa er likevel at det er særskilt sårbart i høve til å sikre personale i heile opningstida. Drifta i små barnehagar vil også i fortsetjinga vere meir sårbar og det er pr. i dag vanskeleg å tiltrekke seg kvalifisert personale. Små barnehagar har vist seg å vere mindre attraktive ved rekruttering. Barnehagane i Samnanger kommune fell inn under definisjonen små barnehagar.

For å sikre barnehagebarn ein trygg og god barnehagekvardag vart det innført eit nytt kapittel i barnehagelova om psykososialt barnehagemiljø [Lov om barnehager \(barnehageloven\) - Kapittel VIII Psykososialt barnehagemiljø - Lovdata](#). Ei undersøking syner at i 9 av 10 barnehagar har styrar

og/eller pedagogisk leiar vore involvert i barnehagen sitt arbeid med barn si rett til eit trygt og godt psykososialt barnehagemiljø (Naper mfl. 2021) Barnehagane har i stor grad brukt planleggingsdagar, fellesmøte og skriftleg informasjon for å gjere tilsette kjent med innhaldet i den nye lova [Retten til et trygt og godt psykososialt barnehagemiljø \(udir.no\)](#).

Mangel på vikarar har den siste tida gjort det krevjande for tilsette i både Vassloppa og Dråpeslottet å gjennomføre fagmøte, ta ut plantid, ferie og avspasering. Sjølv om barnehagane samarbeider godt og er i jamn dialog vedrørarane rekruttering og bruk av vikarar, kjenner vi på frykt for ikkje å ha nok bemanning til forsvarleg og god nok drift i barnehagane. Samarbeidstid og tid til refleksjon i grupper er avgjerande om ein skal gje eit forsvarleg barnehagetilbod som er i tråd med lovkrav.

Krav og anbefalingar til barnehagar

[Forskrift om helse og miljø i barnehager, skoler og skolefritidsordninger - Lovdata](#) set krav til korleis barnehagar skal vere for å ivareta barn sitt barnehagemiljø. Krav i forskrifta er i stor grad funksjonskrav, det vil sei at barnehagemiljøet skal kunne definerast som helsemessig tilfredstillande. Kva som er helsemessig tilfredsstillande kan endre seg over tid når det til dømes kjem nye retningslinjer, ny kunnskap eller dersom folk sine vanar endrar seg.

Barnehagar kan fråvike krav i forskrift, men då må dette kompenseras for, slik at barn si helse, sikkerheit og miljø blir like godt i varetatt som i andre barnehagar. Dette skal vere omtalt i barnehagen si godkjenning.

Vi treng å sikre oss tilstrekkeleg med handlingsrom til å drive kvalitative gode einingar og samtidig sikre tilstrekkeleg vedlikehald av tilgjengeleg byggmasse. Vi har varierande grad av etterslep på vedlikehald av bygg og på uteområdet i både barnehage og skule, og fleire av einingane manglar universell utforming til å ta imot ulike barn og tilsette. Dette kan opplevast diskriminerande og bidreg til utanforskap for barn, tilsette og føresette med særlege behov.

Dråpeslottet barnehage har universell utforming og er tilrettelagd for tilsette, barn og føresette med fysiske handikap som rullestolbrukarar. Barnehagen har varelevering på baksida av bygget og har god sikker tilkomst.

Det er varierande behov for utbetring og oppgradering i begge barnehagane. Dråpeslottet melder at uteområdet treng omfattande vedlikehald og utskifting. Dette gjeld mellom anna fornying av gjerde rundt barnehagen og grunnarbeid til nytt klatrestativ. Leikeplasskontrollen 2023 slår fast at det er omfattande behov for vedlikehald på uteleikeplassen i Dråpeslottet barnehage.

I Vassloppa barnehage trengs det også ei oppgradering på uteområdet og det er ynskje om fornying av leikeapparat. Leikeplassen er sliten, og har ein del gamal asfalt. Det trengs nytt dekke og nye moderne fallunderlag enkelte stader, men barnehagen har tilgang til skog og turområde like ved.

Bygningsmasse og areal i Vassloppa barnehage

Samfunnsutvikling har utarbeidd grunnlag for bygningsmassen til Vassloppa barnehage. Byggteknisk og arealmessig sett, er det relativt mindre omfattande tiltak som treng verte gjennomført for å samle dei to barnehagane i Vassloppa.

Areal – Kapasitet uteareal

- Heile tomte i Vassloppa er på totalt BTA 8393 m²
- Bygningar, parkering 1557 m²

- Netto uteområde 6836 m²* – ca 2.400 m² er planert

Behov for tilgjengeleg uteareal i Vassloppa barnehage er 4518 m².

* Ref. s. 1, norm for utvendig leike- og opphaldsareal: Seks gangar leike- og opphaldsarealet inne

Uteområde for leik:

Uteleikeområdet bør verte rustast meir opp og tilretteleggja for ulike aldersgrupper. Skogen har ein spennande bekk og ei Tarzanløype som bør rustast opp og utbetrast.

I tillegg til barnehagebygget har Vassloppa barnehage tilgang til Stolpane skulehus. Her er det innlagt vatn, men ikkje avløp, noko som avgrensar bruken pr. i dag. Det er kort veg til toalett i nabobygget, og det er mogeleg å legge inn toalett.

Huset er for lite brukt og barnehagen står fritt til å ta det i bruk.

Konsekvensar for trafikktryggleik (ref. sak 22/912)

Innspel til notat frå samfunnsutvikling:

- Det er tilstrekkeleg med parkeringsplassar i Vassloppa barnehage til å hente/bringe barn pr. i dag og det er høve for utviding av parkeringsplassar på kommunal eigedom. Desse treng ny oppmerking.
- Ny trafiksikringsplan for varelevering, henting/levering og parkering for tilsette skal utarbeidast på nytt med ny godkjenning.
- Det er noko frykt for å ikkje komme opp bakken eller gli på vinterstid. Vegen opp til barnehagen har 1.prioritert hos brøytemannskapet, og dei prioriterer området før kl. 7.00.
- Trafikkregulering med lys er det tiltaket teknisk ønskjer sette ut for å imøtekomme og redusere risiko i bakken. Det relativt lite trafikk på vegen (få bustader) utanom levering og henting i barnehagen.
- Vegen frå Skottebaken til barnehagen kan tilretteleggjas med fortau/markering langs ytterkant fram til gangvegen til barnehagen. Dette vil bidra til større trafiksikkerheit for gåande og vil bidra til å redusera farten. Brøyteprioritet 1.
- Uteområdet er prioritert for oppgradering
- Innspel frå styrarane knytt til både Vassloppa og Dråpeslottet vil bli svart ut i tråd med krav i forskrift om Miljøretta helsevern [Helse og miljø i barnehagar, skule og skulefritidsordningar](#)

Etter befaring i barnehagane 7. og 11. november vil ein kunne dokumentere meir om kvalitet på barnehagebygga og eventuelle behov for utbetringar knytt til universell utforming, garderobeplassar, stalleplassar og toalett, kjøkkenfasilitetar, uteområdet, leikeapparat osv.

Konsekvensar for pendlarar med barn i barnehage (ref. sak 22/912)

Dette vil kunne svare ut etter møte med SU i begge barnehagane 07.11.23. I møte med SU vil vi bidra til å få fram døme på eventuelle ulemper, positive og negative konsekvensar ei eventuell samanslåing vil kunne få for barn og deira familiar.

Uttale frå alle som har ynskja å uttale seg (ref. sak 22/912)

Fagpersonale og pedagogiske leiare i barnehagane skal ha ein framtrédande rolle i planlegginga for å sikra fagleg forsvarlegheit ved ei eventuell endring i forhold til dagens barnehagestruktur. Tillitsvalde i Utdanningsforbundet og Fagforbundet er orientert og vil gjennomføre medlemsmøte med sine medlemmar.

MERK: Eventuell framtidig bruk av Dråpeslottet barnehage sine lokale er ikkje inkludert i utgreiinga.